



The Makuilongdi Express

Liangmai Daily Newspaper

“Mazibo niu ngamne”



India gu Chief Minister rong ga Neiphu Rio niu kalek withubo 4th ga bam me: Pagu kalek wut si Rk. 46 crore

Page 2

Dr Alyson Abonmai niu pamai dungtu majang jiu Road Show thiujiu kajinghiu 13-15 2023, Imphal-Tamei-Piulong-Tamenglong - Noney- Imphal gu puilon leng padbo ting Tamei, Namraining ga bam mai niudi judou khai mide



Zengtung 15 Kajinghiu 2023, Nidwannai -Office Gaililong,Tamei. PO-Tamei ,Tml. Dist.Manipur Vol.II. Issue 24 page 1

Jesu niu paokak ge, “Thai npui si-e, majibo si-e, khtadi karingbo si-e; akhu gasu makjiu mai khatniudi Apiu khuga wanglu lak ge.”
John 14:6

GOI niu NSCN(iM) khatdi WC NNPGs gu representatives dung tu adoukhai mide



Dimapur ,kajinghiu 13:

Government of India(GOI) niu NSCN(IM) khatdi Woeking Committee,Naga National Political Groups(WC,NNPGs) dungtu tam tam jiu kajannai Police Complex Chumoukedima ga adou iu makhiam thiukhai mide.

GOI gu team dung Naga peace talks gu interlocutor A K Mishra khatdi papam thiujiu IB Joint Director Mandeep Singh Tulli sigasu Nagaland Subsidiary Intelligence bureau Director Don Jose palu we. NSCN(IM) gu team chamai 20 tu hai secretary general Th Muivah niu majang jiu GOI tu adoukhai mide, khatdi WC NNPGs lamsu chamai 10 tu ha Convenor N Kitovi Zhimomi niu majang bo we.

Haibo makhiam hai si positive thiu we khatdi Framework Agreement sai suiuiu aliu niu solution दौरा leng suikhai mide chiujiu NSCN(IM) gu jupao RH Rhaising niu makhiam loipad jiu dinne.

Wanglanbo ga makhiam thiulan ra bo lam maniubo ga, pating pawan si riem khaibo hakhaye chiujiu champao ga dinne. WC,NNPGs khatdi GOI gu makhiam hai GOI khatdi NSCN(IM) loilubo sai tadkiu lan jiu siga WC, NNPGs gu Convener N Kitovi niu GOI gu representatives dung khuga Naga

contd p2

Tamenglong gu kasanbo DC niu majangjiu DLOs gu makhiam hai kamkhai mide



Tamenglong, kajinghiu 12:

Tamenglong Gu Deputy Commissioner Krishna Kumar niu bampi thiujiu raithubo District Level Officers gu makhiam haisi Conference Hall, Mini Secretariat Tamenglong Headquarter ga kamkhai mide. Siga Krishna Kumar niu Tamenglong gu DLOs dungtu nkhakhaijiu mathiu si chunjon jiu Tamenglong District hai wahina lam wikhang sanra taliukhe tiujiu khenghjiu dinkhai ye.

“I hai 24/7 office ga maksai quarter ga Tamenglong mai mathiuleng khatdi Government gu Officials dungleng bamtan tan tan ne” chiujiu Krishna niu dinsan khaiye. Tamenglong DC niu PHED, PWD, POver, Telecommunication, Social Welfare, Health & family, Horticulture, Sericulture khatdi Forest Department dungtu kutampad jiu wangtang kalakbo maksai palu leng pagengbam bo si ndelo chiubo lam ga makhiam haisi di kamne chiujiu dinne.

MCS gu Officials dung tamenglong ga kabam mai mathi tu panu Nodal Officers leng kada khaijiu palu niu central gu Schemes dunghina si madiu maida mai mathiuleng pi wangtang khaira kamra ye chiujiu dintoukhai ye. Chiujiu Krishna Kumar niu Cnetral niu Piwangbo Schemes dung hai Tamenglong niu thinpiu khaibam bo sidi phui katin khaiye.

Serum Institute of India niu COVID-19 gu vaccine Covishield hai taliu pad houlan mide




New Delhi, kajinghiu 12:

Serum Institute of India (SII) niu Covid-19 gu chapu Covishield haisi Covid virus gasu mara bo chamai kenkhang lan mibo jengniu taliupad houlan mide chiujiu SII gu CEO Adar Poonawalla niu kajinghiu 12 bonai dinne. Chiujiu SII company ga Booster dose Covovax si 6 million doujiu bam me chiujiu katingmai niu sibo booster si kit ra ye chiujiu pahniu dinne.

Covid-19 gu vaccine kawutbo lamga pahniu dinjiu taliupadrabo si kadenloi bam me chiudi khengwangbo sira haye chiuwe. kakung bo wan ga leng Kadenbo thiujiu chamai dungniu Covishield haisi luni wang nang sai chiujiu chapu si taliu houlanbam bo we chiujiu Poonawalla niu dinne. Company niu 2021 december ga Covishield hai taliupad tamibo we.

Booster Dose tingkum 18 gasu nrilam maileng approve thiukhaibo Covaxin haisi 6 million dose si kadenkhai bam me , sibo Covax Booster hai CoWin app gasu di doulune chiujiu pahniu dinne.

PM Modi niu raithubo AIIMS hai Northeast ga lepadkhai mide



Prime Minister Narendra Modi during the inauguration of AIIMS Guwahati and launch of other initiatives, in Guwahati on April 14, 2023.

Guwahati, kajinghiu 14:

North East ga raithubo All India Institute of medical Sciences (AIIMS) hai Prime Minister Narendra Modi niu kajinghiu 14 bonai Guwahati munga bambo Changsari ga lepadkhaimide. AIIMs khatdi Kokrajhar, Nagaon khatdi Nalbari gu Medical Colleges haidung si Assam leng thiujiu Rk 3,400 crore gu project hai PM Modi niu taliukhaibo we.

PM Modi niu AIIMS thiusura bo gu tusom hai 2017 karamhiu ga kamkhaijiu, rk 1,120 crore wotjiu thiukhaimibo we. Sibo Chapiuky hai mara mai zi leng 750 sigasu 30 AYUSH bed jou bo we sitiuijiu takum ga 100 MBBs student tu leng admission pira ye.

Sibo Project dung ronna mak jiu Prime Minister niu masannai AAHII -Assam Advanced Healthcare Inovation institute sidi taliukhai biye. AAHII hai si Medical science gu research khatdi Innovattion centre thiurabo we siga tazi 500 si Multi Speciality Connection si kamkhaira ye chiujiu tacham ga dinne.

Prime Minister Niu Aapke Dwar Ayushman campaign haidi housu khaijiu Ayushman Bahrat matri Jan Arogya Yojana cards haidi dou kabuibo chamai 1.1 core leng jankhai ye.

-The Hindu

Chalad N-bung

Tajumlah= Tathoi thoilu jou jumjiu malikhaibo chalah janne

Liangmai Orthography

(Possesi ve -gu) -gu	Personal Pronoun agu pagu paliugu nagu
Indefinite Pronoun maigu khang k h a t g u sougu Noun (inanimate) Chamii gu Singgiu gu Tataodui gu	Noun (animate) Chakui gu, John gu, Tingwang gu

Remarks


Pariga Bold Text ga khai nbambo laddkeng (agu, pagu & nagu) hai Lianglad sai suiuiu zu taruang mak dau lakge chiubo lengnge. Haisi debo donniu lo sai, 'a' Vowel haisi Schwa (Very Light Vowel) donzeng gasuye. Proper noun hina ga zu taruang makne. Table 4: -gu haitu Sentence ga raokhairabo zai

Instrumental - niu -niu/khuiluziu	Noun (Inani- mate) Marih niu m a c h a o w e , Singtang niu kakhieuwe, Tiali nten khuilujiu dapbo
---	--

Note: Instrumental Case Marker - niu haitu kakibo laddkeng hina gasu rao npiak milo.

Table 5: -niu/khuilujiu haitu Sentence ga raokhairabo zai

Mathen Cham



Berlin, kajinghiu 10:

Asian Wrestling Championship 2023 ga India gu npuimai niu Medals 5 dousan lan lu we. Siga Antim Panghal niu Japan mai Akari Fujinami tu 53kg ga aletjiu ngamlulak mak jiu Silver medal doulu we. Kaki bo Wrestler khang madai (4) niu Bronze medal hai kadamnai Astana, Kazakhstan ga doulu we- Anshu Malik (57kg), Sonam Malik(62kg), Manisha (65kg) khatdi Reetika (72kg).

Anshu Malik niu karai ga Asian Wrestling Championships ga Medal 3 doumibo we, - 2020(bronze), 2021(Gold), 2022(silver).

India gu Chief Minister rong ga Neiphu Rio niu kalek withubo 4th ga bam me: Pagu kalek wut si Rk. 46 crore HT, kajinghiu 13:

Association for Democratic Reforms(ADR) gu survey niu India gu Chief minister gu kalek wut phiupabo ga Andra Pradesh gu Chief minister Jagan Mohan Reddy niu kalek withubo thiujju bam me chiujju dinne, pag kalek wut niu sai rk 510 crore kumbo bam me chiu we. Siga Arunachal gu Chief Minister Pema Khandu Niu pagu kalek wut Rk. 163 crore niu India gu Cm kalek withubo ga 2nd thiujju bam me. Neiphu Rio Nagaland gu chief Minister gu kalek wut si rk 46 crore bam jiu panu 4th ga bam me. Siga West bengal gu Cm Mamata Banerjee niu India gu CM rong ga kalek shathu bo thiujju bam me pagu kalek wut si rk 15 lakh.

Pisikhaibo

The Makuilongdi express

Home delivery haisi aliu pakak khat sou mira leng subscriber khuga sitao khai lan ye.chiudi paper haisi ra aliu patingmik kali makjiu print kam bam ra bo ye. Aliu gu paper haisi station 5 thiujju ward ward leng talu khai bam me.

1. A. Newmai Saloon- Bazaar East
2. Kenthon Tea Hotel- Bazaar west
3. Priya Hardware store- Arilep, miusunlong, Amang leikei
5. Kaithon Variety store - Gaillilong
6. Tea Hotel(Honeypui)- Gaililong

PIULONG MEADOW CUM PENNIA Wild Mushroom FEST 2023
25th-26th April, 2023

 Salam Rajesh Member, Commission on Environmental Economic & Social Policy, IUCN Topic: Conservation of Biodiversity and Wildlife for Future	 Nampibou marinmai Joint Director, Ministry of Defence, GOI Topic: Tourism Industry is an Engine of Economic Development
 Mani Charenmai Former MP Topic: Sustainable Resources Management to Mitigate Climate Change	 Witouhou Newmai Editor, MNN Topic: Media & Society

PIULONG MEADOW CUM PENNIA WILD MUSHROOM FEST 2023
25th-26th April, 2023

 Chief Guest & Brand Emissary for Nature and Tourism Dr. Alyson Abanmai Intending candidate for Outer Manipur Parliamentary Constituency	 Ambassador -Save Piulong Meadows- Wangraibou Ngonamai Director Lungsiat Ministry
--	---

Organised by:
The Makuilongdi Express
In collaboration with Piulong V/A, LNC, LNR, LPNR, Save the River Foundation & Liangmai Nature Club

Themes:
Piulong, Tamei, Tamenglong, Manipur
Preserve Nature, Celebrate Nature

INVITATION

Open essay writing competition on
PRESERVING PIULONG MEADOW

org by **The Makuilongdi Express**

LANGUAGE - ENGLISH

WORD LIMIT - 1000 TO 1200

LAST DATE OF SUBMISSION - 20.04.2023

win **Exciting PRIZES**
1st - Rs. 3000
2nd - Rs. 2000
3rd - Rs. 1000

to be submitted at
liangmaifoundation@gmail.com

GOI niu NSCN(iM) khatdi WC NNPGs gu representatives dung tu adoukhai mide

..p1 contd.

Solution lamga pakhiangna sui khaijiu makhiam thiulujiu, khangnia niu suikhai mibam tadi GOI niu kasuibo taliukhai makhabo tu chalung aman makbo sisi dinkhai ye. GOI niu pawan kam mari khaibam bo si aliu Naga mai tu kam charu khaijiu aliu lung manang khai ye chiujju G naga,WC,NNPGs gu Secretary niu dinkhai ye. Chiujiu Prime Minister khatdi HOME Minister niu pawan kakeng ga Naga Issue lam kasuibo taliukhaira masan jiu dinkhai mibam tadi GOI niu maning chakung khaimakbo si tachun kasa bo we sijeniu aliu kak kak khat-khattu malum masa bo si pijiu padkhai ye chiu jiu pahniu dinsan khaiye. Siga GOI lamsu chamkakkhaijiu Secretary niu GOI hai nchang jiu khatdi pawan majatbo lung ga Naga gu Issue hai Resolve thiukhai ni bam bo we chiujju paokak khaiye. WC,NNPGs niu pageng bam sai GOI pana kakga npou lanra bo npui siralekhai bam me khatdi 'makhiam lanra bamsai adoulan lan ne chiudi ,makhiamlanrabo pating pawan sira riamkhaibo haye chiu jiu WC,NNPGs gu kadimai niu dinne.

Karinting Lun-Lung

Chakabo Khe Aliu tasingbang lin sukhe, aliu khuga naikhat naikhat tingthiubo si nkiu khang jiu bam mide.Tasingbang niu poukhe haibo Tingthiubo tu si.